



Sancti Hieronymi Stridoniensis Operum, Tomi ...

Continens Commentaria Super Psalmos; Quibus accessit Psalterium ipsum ex Hebraico ab ipso Hieronymo Latinitate donatum ... Multis In Locis Avcta

...

Hieronymus, Sophronius Eusebius

Coloniae Agrippinae, 1616

Prooemium.

[urn:nbn:de:hbz:466:1-75125](https://nbn-resolving.org/urn:nbn:de:hbz:466:1-75125)

DIVI HIERONYMI PRESBYTERI IN COMMENTARIOS PSALMO

RVM PROOEMIVM.

Roxime cum Origenis psalterium, quod enchiridion ille vocabat, strictis & necessarijs interpretationibus annotatum, in commune legemus: simul uterque deprehendimus, nonnulla eum vel perstrinxisse leuiter, vel intacta penitus reliquisse; de quibus in alio opere latissime disputauit: quo scilicet, non putaret rem magnam breui sermone concludere. Igitur pro familiaritate, quæ inter nos est, studiose & sedule postulasti, ut quæcunque mihi digna memoria videbantur, signis quibusdam potius quam interpretationibus adnotarem. Et quod solent hi facere, qui in breui tabella terrarum & vrbium situs pingunt, & latissimas regiones in modico spatio conantur ostendere: ita in psalterij opere latissimo quasi præteriens aliqua perstringerem, ut ex paucis quæ tetigissem, intelligantur & cætera quæ omiſsa

sunt, quam vim habeant atque rationem. Non quod putem à me posse dici quæ ille præterijt: sed quod ea quæ in tomis vel homilijs ipse diseruit, vel ego digna arbitror lectione, in hunc angustum commentariolum referam. Psalterium Græcum est, & Latine organum dicitur, quod Hebræi נבֿל nebel vocant. Psalmus dicitur, eo quod à psalterio nomen accepit, vel pro psallendo. Quamuis Dauid omnes psalmos cantasset, tamen omnes psalmi in persona Christi pertinent: & qui prætitulati esse non videntur, apud Hebræos pro vno psalmo habentur. Nam per titulum intelligitur vnus cuiusque psalmi intellectus. Quid est titulus, nisi clauis? Vt ita dixerim in domum non ingreditur nisi per clauem: ita & vnus cuiusque psalmi intellectus per clauem, hoc est, per titulum intelligitur, in cuius persona cantatur: aut in persona Christi, aut in persona ecclesie, aut in persona propheta.

LIBER COMMENTARIORVM D. HIERONYMI PRESBYTERI IN PSALTERIVM. PSALM. I.

Beatus vir qui non abiit in consilio impiorum. Quidam dicunt hunc psalmum quasi præfationem esse spiritus sancti, & ideo titulum non habere. Alij in eo quod primus sit ordinis sui habere principium, & videri esse vitium, eum primum dicere, ante quem nullus sit. Aliter. Apud Hebræos & primus, & secundus vnus est psalmus: quod in apostolorum quoque Actibus comprobatur. Denique quia à beatitudine cœperat, in beatitudine desinit, dicens: Beati omnes qui confidunt in eum. Aliter. Beatus qui non cogitauit, non fecit, non docuit mala. Aliter. Beatus qui non est Iudeus, gentilis, hæreticus. Aliter: Tertullianus in libro de spectaculis, asserit hunc psalmum & de Ioseph posse intelligi, qui corpus domini sepeliuit, & de his qui ad spectacula gentium non conueniunt.

PSALMVS I.

Beatus vir qui non abiit in consilio impiorum. Et in via peccatorum non stetit. Et in cathedra pestilentie non sedit. Sed in lege domini voluntas eius: & in lege eius meditabitur die ac nocte. Et erit tanquam lignum quod plantatum est secus decursus aquarum. Quod fructum suum dabit in tempore suo. Et folium eius non decidet: & omnia quæcunque fecerit, prosperabuntur. Non sic impij, non sic: sed tanquam puluis, quem proicit ventus à facie terræ.

¶ Ideo

i ¶ Et omnia quæcunque fecerit, prosperabuntur. Iudæi hunc psalmum dictum esse existimant de Iosia: quod solus inter phanatos reges, non abiit in consilio impiorum, sed sequutus sit legem Dei. Verum hoc quod modo lectum est, & omnia quæcunque faciet, prosperabuntur: non solum de Iosia, sed de nullo sanctorum accipi potest: nisi forte in futuro seculo. Melius igitur de eo intelligimus homine, qui à Saluatore nostro assumptus est atque saluatus. non quo alium assumpsisse, alium assumptum esse testemur, sed quo vnus atque idem filius Dei & filius hominis, qui ante sæcula verbum semper fuit, ipse postea & carnem est dignatus assumere.

k ¶ Non sic impij, &c. Id quod secundo dicitur, non sic, in Hebræis voluminibus non habetur: sed ne in ipsis quidem Lxx. interpretibus. Nam in exemplis Origenis in Cæsariensi bibliotheca legens, semel tantum scriptum reperi. Inter impium & peccatorem hoc interest, qui impius est, negat Deum: qui peccator est, confitetur & peccat. Sicut iustus vir comparatur ligno, sic ignis comparatur pulueri. Qui iustus est, ligno paradisi comparatur: qui autem impius est, pulueri comparatur.

l ¶ Quem proicit ventus à facie terræ. Puluis licet de terra sit, tamen desinit esse terra. Tam infelix erit impius, ut nec terrenus quidem sit puluis. Videtur quidem habere terræ substantiam, sed habet suam substantiam: nihil habet solidum, sed quod

1. Cor. 2. d.

1. Cor. 13. e.

Matt. 21. c.

Luc. 21. c.

Apo. 22. a.

lib. 4.

lib. 13. d.

Prim. 3. e.

S. Hieron. tom. 7.

A

habet,

HIERON
M. 7. 8.